

紫峴山人全集

紫峴山人詩集卷二十四

湘潭張九鉞度西著

姪孫家斌重刊

志餘吟上

乾隆庚戌

先生自記云客東都脩偃師鞏永甯三縣志乘遇攷證山川古蹟猝然有當及忠孝節義事有可歌可諷者輒作樂府歌辭各體詩得六十餘首曰志餘吟隨時登稿不復排比衰老爲文字役對酒當歌紙窗竹屋老樹寒風聲互摩戛聊以自豪非欲冀觀風者採擇也

土裏村謁少陵先生墓二首

家賦注文貞公墓葬偃師首陽山村當陽侯見元微之墓

誌與舊唐書本傳郡志因溫公葬鞏縣之誤曲徇其說先生駁之甚詳

萬古文章蝕尸鄉覆一塋杏花開土室艸色近清明遠祖禋能耐孤孫志克成朝廷休涕淚咫尺是東京

自酌青山墓迢迢復此來

前年謂太白墓

江河分浩蕩風雨兩崔嵬寥落

平生志流連大雅才饗祠餘舊蹟誰與翦蒿萊

陟景山觀唐孝敬太子陵午食緱山廟作

頽雲驚沙鬱何積峻阪懸溝怒何坼高原大阜盤何雄巨象狎獅
呀何嚇湯侯指我孝敬陵巔巔峻嶒碑赫艷仰觀細辨上元年
額頌徽稱掩醜跡已將仙李根株鋤休訝黃臺瓜蔓摘遵時養晦自
昔難解經何必郭瑜賈風清徑上延壽城少室黃華奔絡繹賢儲
短祚惜史官帝所上寶事荒忽豈有浮邱笙鶴迎孫秀先裝羽衣
飾遂使蓮花貌後身龍碑蒙汚羞深刻長空嘯罷坐鴻濛相與狂
呼浮大白歸途曠野劃然開凌跨河邨歸肘腋綠楊紅杏漲天淫
萬匹香羅夕陽織衰年作客快遨遊何況三川富春色

柏谷塢行

塢臨休水上俯三鈎鎖壘最險壯宋魏隋唐窺東都者
率由陽城度轅轅屯此今壘雖荒地猶可識環塢諸
屯名猶可稽塢在景山西麓爲偃師腹地郡志誤指在
鞏縣東與水經注休水先入洛後經偃師縣之文不合
塢在少室西北五十里郡志改東北與唐太宗時裴灌
賜柏谷塢地記又舛余偕湯侯親爲周歷一一昭合作
詩紀之新志辨之最詳

少嵩西北巖紺間休水泉源湧其下奔流柏谷塢之根亂石洪濤
日春打景山破角分削立吞吐煙雲鬪噴灑虬枝偃蹇盤厖尻螺
墜夤緣費腰跨峯巔紺宇綴蜜脾塢上土花不洗繡苔瓦窗間遙
揖北邙來一線谿衍穿大野塢中鬱鬱百餘家舊曰屯名在墟社
有王氏段氏金氏諸屯名皆六代屯處三鈎鎖壘峙北南虎伏鯨喙各開捨居中大

帥卓旌麾一呼萬象皆暗啞縱橫氣勢指臂聯浩洵至今趨陣馬
四山迴合猴氏城風掃青嵐曰蒸赭宋公舟師延之記一一搜尋
地非假秦王銳入奪糧艘疾捲東都奠中夏山川陔扼待英雄批
亢擣虛如此寡水經道里無差訛史傳証援豈淹雅誰傳移置鞏
縣東地形乖盪語姑舍最憐翠羽導遊人小摘桃花杯共把千秋
勘訂在虛心寄語洛中著書者

杜當陽墓

豈有邢山峻寥寥舊羨門一杯藏武庫萬里耐文孫左氏遺編讀
襄陽舊客存羊公坐咫尺同拜北邙原

首陽山夷齊墓

不知叩馬里言上首陽岑占墓蕨薇影空山孝弟心風清西亭見
河湧孟津深虞帝崇祠接歌聲或可尋

少陵先生舊祠在大道傍壞於水旁有茶亭頗鞏固湯侯

煥亭擴而飾之奉主祀其中喜賦二首

不識風騷脈誰停大道車久荒殘棟宇莫問舊田廬

公舊廬在偃師卽陸渾莊

山石基亭固村醪奠盞徐賢侯能拂拭過客免歛歎

伊洛交流外嵩邨對峙中門來騎鶴客與緱山遙對地近祝雞翁木主

當陽耐書楣太守同

張月槎太守署鞏縣少陵祠日詩聖魂

遊知更樂花似陸渾紅

許睢陽太守墓在尸鄉南墓左有祠土人呼曰府君廟祀

冥官像荒但不經余勸湯侯改書許太守祠以正祀典

許公墳近洛西涯煙火如繁守戶家一自

天章隆

諭祭長懸雲彩照幽遐

乾隆十二年嵩山道大臣

諭祭新阡嫩草誰行踐碧

血荒原莫嘆嗟海畔雙忠祠拜後白頭來此拂梨花

余宰海陽城有雙忠祠祀

張許二公
最靈異

誰書唐字在祠楹

祠楹舊聯殘缺不可辨不知何人作
僅唐代二字猶清明可作太守祠據

合易睢陽

太守名國有凌煙圖上像天閔毅魄壯東京村農伐鼓靈旗捲山

鬼披蘿白馬迎魯國廣平南北望年年風雨問清明

新修唐燕參軍墓行

會聖宮西靈龜山燕參軍墓移其間悲風驚草亂沙撲野人犁破
桃花斑裔孫灑淚空翹首黃狐踞窟蒼颯走殘螭斷屬盡荒唐何
處清明莫卮酒萋宏之西王弼北碎碣熙甯存步尺不將鏟削罪
愚氓更助舂籠開光域崇封峩峩石作基諫議賜號鐫穹碑忽驚
英魄光燄起長虹叶作嵩天垂吁嗟逆虬煽方處鼎祚將移章與
武參軍腦血噴彈章瀆入殿庭洗不去但委生前七尺軀何論身
後一抔土闡幽舉廢自吾曹肝膽男兒爭萬古不見北邙大塚壘

與者何代王侯臥其下當時千乘萬騎來今日斜陽誰繫馬

截手謠爲張孝子救母作

孝子名大觀與母避水奎樓樓墮母溺大觀右手爲樓石截斷獨入水尋母以左手擎母出母得生孝子傷重死余有小傳

怒濤衝人樓壓墮樓石打手截殺我手截猶可母溺不可

解上下

求索孫浮而啼以肱揮之母孫不兩存嗟嗟奈何爾孫

二解得母則

喜以其左手舉於樹枝母當騎危母爲兒悲兒生免母波濤死當

陰計母食與衣解勇哉孝子擎天一手願化八萬四千陀羅臂分

與天下孝子救父母

四解

曉行臺西郊

曉日亂鳩啼桃花直向西紅霞浮洛漲碧州觀關齊帘出孤村小

帆移斷岸低，驅車新雨後。未忍碾香泥。

顏魯公墓下作

輿地志載舊碑陰爲米海嶽書。公服碧霞丹，刑解羅浮寄書事。

忠臣萬古無遺骨，氣在山河與日月。魯公誰餌碧霞丹，刑解神仙敢誣讒。我來謁墓肅冠禔，廟柏花竿互搜拏。文章史傳光芒在，莫問碑陰海嶽書。

偃師女兒行

乾隆二十六年事。鞏縣明經裴希純有洛水媒詩。

偃師女兒居洛傍，十七待嫁盈盈妝。洪波不沒流尸鄉，號呼乞命捧奩箱。刺船者誰人而狠，不知將迎窈窕孌。攬奩推入波中央，下流有人惻衷腸。拏舟奮救登河梁，詢兒姓名知兒莊。送歸父母完。

璧璋感君心事何明光衆言撻奮無義郎女怒憤訴於公堂乘危
劫奪國典彰恩義已絕離何傷予以大杖曳銀鐺遣隸星火追其
賊呼救者來少年行匏瓜獨處匹無凰彼良人兮自無良桃將李
代非荒唐公庭給還珠花囊步搖翡翠耳秦璫連環白玉釧鏤黃
是日丹桂舒其芳女曳綉帔紅羅裳笙管鏘鏘車彭彭東西觀嘆
如堵墻鍾建負我得妻當那須牽犬與烏羊奉君容顏酬君觴爲
君作羹奉姑嫜援我者夫劫者賊女子何知惟報德

神堤雜歌

偃師民楊璞抱母浚水至灘被救妻子亦獲拯余有小

傳

神堤灘頭神夜語明日當援孝子母灘人曉起具長鉤各分上下
拏舟取如飛巨浪浮無聲母子出浚抱不驚一舟奮勇先拯出鬼

目睚肝誰敢爭。一舟後至救兩人。母大呼吾婦與孫鬚髻濕髮相
悲喜。羅拜灘頭。義士恩神堤祠。奠羣搥鼓。剖牲醑酒。靈旗舞神憐。
孝子一家全。吾儕焉有微功。敷俄頃風。越雲墮墨。黃河倒灌。掀天
黑眼中。不見神堤灘。怪昼長蛟快。人食醵錢送之。三日還。當時瞬
息百里閒。餘生鬼窟猶疑夢。回望神堤膽亦寒。不見拏舟棄母載
妻者。山樹怒崩壓其下。鬼乞紙錢泣荒野。瑛弟

雨後望偃師南山同白孝廉德一兒世淮

春雨洗澄鮮。春雲靄連連。一關環缺地。二室帶橫天。貨畚羞游士

吹笙厭少年。將尋杜公宅。芒屨破秋煙。杜子春故宅在緱氏城

拜唐贈尙書畢公新坐贈秀才忠嗣

畢公諱抗。唐廣平太守。死安史之難。墓在景山北原。裔

孫今河南中丞秋帆先生。路過展謁。贖祀田。並建饗祠。

余爲撰墓碑

三塗北擁大河東，邙嶺前屏洛翼中。唐室蓋臣藏碧血，尚書幽宅起長虹。行人每望松楸拜，守戶猶勤稼穡功。光遠自他長有耀，名卿應與降嵩同。

中丞移節豫州時，展拜遙塵水木思。豈獨魏臺修舊兆，更如潞國建先祠。

恩隆昭代，泉原感福。庇鄉人俎，豆宜教孝。教忠深意，在勸君努力報昌期。

任氏九世同居歌辭

家枕注任氏居偃師南故城邨九世同居乾隆四十九年御賜詩匾

河南守臣上言，臣部偃師縣民曰任天篤之門，如古唐張宋陳九世同儕，共廩喪祭婚媾，有閑內外，雍肅無愆，男女食以班分。一王化起自閨門，家道離由婦人，每於廟見之晨，族師反覆講論，曰恭

曰讓曰勤。棟華荆樹前芬。楊牢陳爨遺文。導啓天性醴醇。使彼觀感。遵循解子弟耕作力均。讓塗醴畔恂恂。秀者黨庠樂羣。次學醫藥活人。愚者鍛冶斲輪。縫衣織簿負薪。毋敢嬉遊城闈。罔操奇贏。鶩奔解鶉居穀食之民。岩栖谷飲之羣。禮陶樂淑。宵聞優游。導和沐醇善氣。下感雞豚休哉。

至治網緼。大同浩浩陶甄。臣敢錄以上聞。

解四

皇帝天顏霽溫。二南風化克敦。盛事繼美西秦。曰子

一人是忻。

天書扁額璘瑯揮灑

宸翰七言。朱提文綺便番。旌厥孝義之門。

解五

黃金連蜷螭蟠四角

龍子垂幡鸞箋綾軸續紛。作使摩勒貞珉導以朱旗。彩旛吹笙擊鼓鳴錚。率其族姓子孫。嵩呼緱氏之原。仰懸日月星辰。

聖壽億萬春賦

偃師新樂府十五首 著雍涪灘皋月居西毫館志節烈
事漏三商燈光如豆庭柯颯獵有聲因仿樂府秦女休
體依其事而比之音界灰曲以下採舊志足之得十五
章音節自謂勝老鐵未知於空同于何如也

楊烈女歌

烈女偃師隄兒頭人年十八嫁有日矣父

爲縣廩卒嫂歸甯雪夜獨居隣屠蕭諒豔其色挾刃
越牆入室女大罵拒之屠斷其首及五指去父寐聞
女運呼蕭諒殺我驚起疾歸女頭指皆在地左手猶
牢持衣帶躡血跡入屠家得衣及刀官驗鞫伏罪竟
縊死獄中事寢者四十餘年乾隆元年訓導襄城李
緝欲上其事令以年遠執不可緝怒竟白臺省得請

旌祀節孝祠

蕭諒殺我蕭諒殺我阿爺驚起舉火雷轟洛怒山號英風相隨走
郊入門見血女頭指在地躍躍濕手提衣帶撫之欲起立雪驅女
血飛入屠之家膏屠衣繫屠詣官府屠作女言實吐官胡不檻彼
虎而令彼全軀縋繩生不使伏毆刀懸市旌吏云獄不具官云瘞
之阿爺身低微敢訴誰提兒頭浴之水咽不流女怨當訴誰鬱鬱
四十秋儒師來憤憤告御史臺御史門前瞳矐鼓縣官手捧
天章下烏楔門兩頭白玉龍蹙跪文檀字中央黃金花葳蕤女揚
揚入翼官祠萬人嘆且咨嗟哉今世乃有此儒師

貞烏篇

爲曹善化妻朱氏作也氏色艾爲暴所逼大

呼拒之隣婦來救暴遁氏羞憤自雉事蹟

旌表

貞鳥巢迺在師氏城南高樹枝雄鳴雌啗和者雌雄出求食雌獨
居巢哺其兒雌樹一惡鳥跳跟鼓翼求欲亂羣雌迺怒噴奮距鬪
啄血裂唇鵲姑來救之彼鳥離哉翻身軀倖保全毛羽傷殘非舊
顏悲憤不食碎死巢樹巔雄咬咬飛繞巢鳴嗷嗷惡鳥若飲鴆戮
安逃烏鵲詩黃鸝鴛禽烏猶重倚匹况彼烈婦身

柿樹怨

王萬益妻劉氏歸甯行至深溝中族暴逼之

裂其禪不可犯氏怒憤夜縲暴門柿樹上事聞

旌表

誰言溝斬斬呼聲衝霄號虎鬪誰言溝沈沈鬼神怒來褫汝膽解
狂且汝敢逃破禪安得棄持之懷利刃訴族里族里勸我我憤且
厲夜提白練訴天帝解二柿樹高蔭警門生不堪讐胸死當出入拮
其魂柿樹紅纍纍實請勿食妾之血解三

摘豆謠

董福林妻史氏青年夫沒父母欲奪其志氏

不從一日偕女伴赴田摘豆至深溝旁躍入溝折臂

死

摘豆摘豆相呼相喚上豆田柳葉之眉桃花顏委委蛇蛇緣徑邊
猛見懸崖溝深深何嶮巖今我不奮投當待何時酸風號號豆其
衆女駭而俯之逝而逝而摘豆摘豆我行一何翩翩昨日父母命
我不敢以言言之恐傷義碎我軀畢我事

送孤兒行

武自成妻劉氏年十七寡守志撫孤兒以

戲殺人減罪戍杭州氏劬勞三十餘年卒以紡績饒

家兒遇

恩赦歸里為娶婦生子氏壽七十餘

出東門送孤兒兒繫桔牽母啼兒勿啼殺人罪當治

國恩滅戍當思之當思之去奉教言勿爲非送孤兒入門益無米
桁無完衣天疾威水漂廬歲浹饑剝榆皮乾挑草草根苦朝亦
織一縷暮亦織一縷將書報地下夫婿生當爲延子孫死當肉餒
鼠晨烏啼啞啞縣門鼙鼙擊鼓人言杭州赦書下犬吠吠雞飛上
籬母開門兒躍入懷兒今歸有廬有婦食有粥餽嗟嗟終予天年
誰女曲 乾隆二十六年洛水大溢不知誰氏女隨波
飄至城中大樹上有二人撐筏以救女見皆羸羞憤
躍湍流中死

是誰女來誰許身不沒洪波飄於樹枝奈何奈何解誰羸而刺船
誰教汝來前嘆我弱女子不可以延解古有貞姜漸臺沟沟不下
女不下死羞覓父母解剔吾目兮洗吾首舉身騰擲赴大海解

殉母詩 徐永康妻鄭氏與母女避水樓上母下取包

襄梯飄去墮水氏墮樓救之同溺死女十一歲大呼
躍下亦溺焉數日水落二屍環抱不可解

洛水肆以狂掣我之梯壞我堂母躍樓殉溺母彼則是女誰則非
女誰謂女弱小有力如虎人家女雖養成各自飛安能死執母手
牽母衣牽母衣笑環互骨肉香團團同拜曹娥去

牛貞女篇 貞女未嫁夫久逃無蹤父母亡兄逼改適
不從歲大饑欲歸養舅姑嬖言於姑姑迎之女欲從
兄怒不許女號泣終夜晨出投伊河死

牛貞女十九未歸家蕩子逃無蹤舅姑病饑奈何舅姑病饑奈何
父母已去奈何令我久延俄阿姑聞之來斜倚門東樞阿嬖言視
飯阿女言神聖阿兄戟手瞋目嗔女子舉動那敢得自專汝行作
勾婦身爲汝計被東家堵汝頭插金還帶銀女夜啼聲啾啾晨起

赴伊河流宵假伊河魚阿兄不可與居

芣苢篇

潘世德妻楊氏受聘而夫病廢且醫兩家議

毀婚女執不可竟歸潘三年歿姑憐其少艾欲諷改

適見正色不敢言竟奉姑撫幼今七十餘歲尙存

芣苢艸雖惡採擷盈其懷嗟彼宋國女終爲蔡人妻蚤能負驢走

鹿能銜艸醫人不如彼獸而忍言生離解趣母作裝束當復待何

時母言勿怨悲兒亦何怨悲誰謂陵茗花不纏樛樹枝誰謂菴菹

心肯逐蓬蒿萎解疇喻爲君滌虎子爲君提君悲妾言笑君飢妾

哺糜君但無所苦妾勞甘如飴解薄命爲君殃捐棄腸肉判姑傷

復如何忍顏奉盤解也姑心妾自憐妾心姑知之上有倉浪天下有

黃口兒解

界灰曲常清妻武氏夫亡守志終身編素夜界灰環

其門晨起視灰無跡乃出戶壽至九十歲完節

森森是何壁壘灰環其門明月入戶續燈寒中有白蓮花擁彼白雪身界灰界灰胡爲妾信視妾初界時妾胡爲灰信履跡無偶施七十餘年完灰而歸願灰化蝴蝶同作韓憑飛

壓線曲

喬克勤妻趙氏以壓金線食姑與夫年二十

餘無子姑夫繼亡營葬畢自經死

壓金線線密鍼昔澀五日一嫁衣三日一褰褶壓金線線結傷妾心不蟠長春花不縷並命僉姑夫待葬停不得線爲妾悲豔顏色夜辭金線盤自縷繡窗鍼格慘以寒喬家女手不得見滿鄉猶學

壓金線

理書篇

張浴撰妻史氏年二十餘夫歿守志家多藏

書伊洛水溢氏負姑攜兒不死日持長竿緣水鉤取

深六書開衆爭爲拾取氏暴濕補殘書皆完好如初
帝望淚曰先人心血所聚不可失自吾也

有少婦背負箱左手提孤兒右執長竿踏沮洳朝出鉤取書惻惻
復力力謀出鉤取書喧喧復噴噴衆共行取之三日書反宅秋風
習習日暄其慮少婦蓬頭盤手坐前除濕者暴乾殘補苴函函與
卷卷各各完其廚東家鬻書兒論劬不論尺先人心血不足惜胡
不早令飽蠹魚食

井溝行

明末流寇陷偃師喬之賢妻蘇氏與婦薛氏

避兵相失姑投井食崖泥不死婦藏夾溝土室懼
賊至投溝死姑爲族子援出痛夫被難茹素九十而

終

黃巾來飛雄虎東攬婦西攬女偃師蛾眉不上馬有肉甘腐城下

土姑者井婦者溝土伯欲穴地道攜手同遊井有泥姑食之姑出井號以悲欲報姑恩那可得願以貞魂奉朝夕井邊萱花大如盆溝中之艸香煞人

取金謠 李永悅妻宋氏賊至夫逃執氏索金帛將逼之氏紿以後園取金躍井中死于向芝順治戊戌進士

持白刃闢吾宅秀才安得金帛蠢爾賊夫逃生我待死蠢爾賊安敢得我喜陽陽爲好言取金後園蠢爾賊後園安得金有井深深殺之不起潔我身軀昌我子

古井曲 生員張毓粹與子一鵬一鷺守城城陷罵賊死妻蘭氏以頭觸井石不死迺呼媳席氏三女二孫俱投井是夕大風霾賊駭遁以石掩其井井今猶存

道傍碑者誰云是古井陰颯颯張氏一家魂魄出以入秀才二子
城守叱賊如叱狗賊執攔斫之肉盡屬猶吼秀才妻死不可顛沛
從容盜櫛密縫袖與帶頭撞井石裂開賊立徘徊姑血淋淋呼婦
前三女二孫次第牽各各跳躍喜歡投井井踏翻血湧清洛洛赤
渾風吹霾天模糊井中女雄闐闐呼闐闐呼出打賊纖纖石壓不
得

宋陵詩

宿煙浩微曦白露方散團悲風艸蕭蕭銀海生陰寒宋室諸陵寢
我我在永安坎窞纖逕通披榛得遙觀神牆久學剝崇闕彌凋殘
鵠臺壓乳臺氣勢猶桓桓當年彩仗女如花隔雲端至今化爲石
夾道鐫釵鬢獅象與馬羊各各嬉神姦隆然五丈餘呀嚇怒欲搏
其餘猛獸怪山海窮且殫或口四塞吞或目三塗嚙或舌吐談舛

或髮垂長鬚駭人非一狀盡將逞其頑疑使麟碎邪驅之列兩班
山川大開闢幽宅茲鬱蟠卻畧羅自宜面向易則難胡爲形家譏
曉曉吳景鸞我讀鄭獬疏至論懸不刊發掘免西髡飄棄白玉棺
請看輪囷柏竿瑟鳴珊瑚何如杜鵑啼冬青恨漫漫
皇朝隆祭告典禮下便番重臣實冊擎雖雖鳴和鑿光騰閣宮燈
香滋隧道蘭長輦太平年享此明禋歡昨聞守尸人藩籬皆繕完
安用絮斯添個彼青龍山

男

姪

如泰

聲有普孫啓

豐

宇校

宇

裕幹

光

沃

紫峴山人詩集卷二十四

湘潭張九鉞度西著

姪孫家祜重刊

志餘吟下乾隆庚戌

張義士殺虎歌

義士鞏縣人名繼倫弟爲虎攫倫奮斧斫虎死救弟康
熙三十餘年事

山麻蕭蕭白日昏飢虎出吼俚攫人村農倚壁叫號急虎口呀呀
據且蹲東來壯士疏且武被髮大呼揮利斧眼中見弟不見虎虎
撲撲之如撲鼠山搖嶽撼快一擊陷腦碎顛猛何益手從虎口提
弟歸天清野曠腥風息慈母撫摩賀客擁洗斧堂前堂欲動豈有
神靈助疾威由來血性騰奇勇畱田之獸悲且鳴桓山之鳥不忍
聽以茲愧彼無良者早令搨面還搏膺逸事湮沈已百載鞏人詩

傳今猶在秋窗燈火燄純青
騷客柔毫生異采冠而翼者胡爲乎
孝子順孫遭毒荼安得此輩盡驅除
嗚呼安得此輩盡驅除郊遊

麟鳳山騷虞

前志佚之
余搜出補人

洛汭張烈婦行

烈婦雙槐村人拒暴被殺蒙

旌余有小傳

長河波號洛波咽風摧雙槐槐怒折
緱山山雲香鬱血山下行人
和淚說村民之女村民婦不讀詩書
重匹偶狐綏綏兮虎嘯嘯
目叱之作雷吼爾刀爾鼓屠爾屠
我身圭璧不可污誓還天地潔
白軀惜此焠月胡爲乎洞我胸兮
刺我腋抉我齒兮碎我齧恨不
生爲男子身効命疆場報

君國徧身劓孔何足嗟一孔一朵青蓮花
蓮花飛爲五色霞烏楔

歛麗龍衙衙君不見百士請旌千人弔
鞏縣猶存古直道吾欲書
爲寰宇告

孝婦布歌

鞏縣蒙

旌曹文德妻張氏夫歿奉親無孤寒夜操機冰凍指裂血
濱布上人爭以厚價購號孝婦布

孝婦布織何人匹端赤暈疑湘筵市人聚觀匹淳具柔如吉貝光
如銀抱布小兒言嗚咽此是曹氏之指血寒冰午夜割刀鉞指裂
紗污不可雪勞勞三日斷五匹有姑婢甘旨缺市人數緝貰之
歸不敢裁爲襦與衣懸之里門樓傾村摩撫皆涕洟有如寡女絃
聞其聲者感且悲洛陽女兒釀錢去明晨更買孝婦布

康烈婦謝氏女歌

女不可名婦也而可名不見謝氏之女歸執夫喪衰經成夫塋婦不可名女也而可名不見康氏之婦免喪七日餓死而全貞腐儒曰未成爲婦也而可成不見有司入告

天子許其旌

象奴嘆

鞏縣馬大成任禹州訓導時有象奴過境戲民婦女武生某憤毆之官欲罪某生馬力持不可得解

奴於象而虎於人被獠于雛顏棧齒而纏巾攫我雞豚敢辱我鋏

解一 衆言當撲殺此獠縮腑毋敢前來來誰何狂悖哉揮彼老

拳解二 蠻奴逃泣訴官府官府擊生儒官怒儒官豈邀彈與劾無令

蠻獠輕中國解三

雷冲霓墓行

冲霓甯甯農民勇善鎗康熙十三年隴餘賊掠剽至邑帥
檄通判某禦之通判當北路爲賊執冲霓奮鎗殺賊奪
通判還復前所賊城圍之力竭死賜金三十餘葬金門
山前

洛川劈天奔萬馬勢逼金門怒濤打上有雷家義士墳呀鶻飢鷹
不敢下三嶠風氣古好兵立義城防勇有名雷兮耕暇善鎗法鎗
重身飛轉快輕秦中餘孽潛窺伺豕突商州下盧氏官軍方出倉
卒間農夫豈有疆場備府官書生當治北胥吏何能工刺擊牛酒
空勞夜犒師雨漲營頽人餒賊雷兮憤怒挺鎗爭奪還府官官不
驚翻身大呼衝陣入鎗灑熱血天風腥重圍矢集力竭死手猶抱
鎗立溪水大師雲合賊成禽惜哉失此好男子溪翁指我捐生處
羈人老淚紛如注秋風吹激熱肝膈爲爾鬼雄贈長句野人報

國何其難徑欲書之上史官吁嗟此鎗猶在否飛空定作丹蛟吼
永宵保城歌

為永宵令高式青妻錢塘趙氏承契募勇保城作

我聞康熙丁酉宜陽賊西掠永宵伏蘆澤高侯巡野敢擁之寨中

脅帥招安檄是時洛西久太平金門白馬無戍兵城中守妮四老

卒里巷說言夜數驚永宵自廢金門白馬嶺底諸成後城守無碑

兵四十名禦焉縣君錢塘趙氏女膽智深沈急匿處千金懸賞保危城釵

釧綺羅賤如土洛陽韋衮儒生豪銜恩請奮同雷蓋更有驍雄曰

韋六能挽強弩迺長稍縣君呼賜玻璃鍾出弢寶劍雙蒼龍汝守

府庫惟汝功胸懷官印廳事取韓刀昧首環家僮如坐大將武帳

中滿城肅習生英風城頭壯士揚旗鼓女几妖嵐收不吐青天光

光五曰晶晶殺關蒯塞皆干櫓大軍四集攻賊壕高侯投崖碎臂

入營密告賊虛實間道爭上擒猿猱功過相當朝議正歸安職守
矜殘命長歌壯士捧雕軒城市無驚燈火盛會摩廟映虞妃碑會
賦道州雲英祠可憐鬢婦錢塘返劉塢誰人奠一卮長沙太守平
寇記未及保城賢媛異翠箋螺墨淚如鉛白頭自寫舍辛事綏寇
略遺卷沉吟七十載漏痕蠹粉猶騰彩我今爲作保城歌望輕才
薄將奈何賊擢長沙太守吁嗟乎望輕才薄將奈何草衣雷蓋章六皆保城義士

永甯六賢詩

元薛文靖公元

逢人祇問北山原不見先生舊墓門積潦縱橫驚道壞荒苔摩洗
喜碑存遠延伊洛師儒脈獨啓峭函日月尊但使過賢能敬式烝
嘗誰復望遺孫公後嗣無存墓道平夷訪得歐陽圭齋碑勒邑侯爲修墓階城界樹碑通衢表識焉

元薛學士友諒

兵燹全荒

二妙祠客來講院不勝思誰尋遺竊斜陽外同拜秋風

落葉時隨

地循良興學校一朝典誥出經師雄文不逐河流徙明

日嶮曉訪

廟碑二妙祠祀文靖父子今無存惟曉廟不碑學士所撰文與書久佚余爲洗出

元蔡參政子英

封侯萬戶

賞千金難易孤臣戀主心窮浦荻蘆何處匿故山薇蕨

有誰尋一

書非惻風雷激永夜佯狂涕淚深不負平生王保保相

隨尋帳拜

和林

明宋康惠公禮

尙書體國

礪公忠濟運能開百世功曾酌叢祠臨汝水坐看帆席

挂秋風宵

漕爵晉

皇朝寵守

戶榮分子姓同獨怪廬陵曾學士只將殿木紀神功

明張中丞公論

金門川湧洛川橫猶聽中丞鐵馬聲破賊千秋開大郡毀冢百戰
保危城酬庸末世無公論報國勞臣豈賈名黔蜀立祠鄉配社史
官失傳亦崢嶸

明趙方伯建極

趙公死守晉陽齒齒血橫飛罵賊奇萬矢攢身偕壯士闔門捐首
有諸兒英名猶能誰能噉厄運龍蛇亦可悲欲補碣文懸羨道自
慚無筆踵昌黎方伯五子承霄罵賊遇害見明史而逸其名舊志
及郡志亦未載余入山搜得舊碑查爲子嚴于濬
子慎于磐于
京補入新志

嶠山歌寄同年洛陽單侯野甫

北魏置嶠縣於嶠塞全統三嶠卽今永甯地故史漢諸
書注皆云嶠山在永甯西北自唐分永甯嶠縣爲二移

嶠縣城於硤石永甯遂專有東嶠然以地形考之所謂
嶠阪嶠塞嶠隘嶠底嶠岷嶠關嶠中俱在永甯境內卽
古嶠南道也後人於魏武帝所開北道中以土濠石濠
冒嶠之名嶠南正道置之不問俗遂易其名曰乾山余
據史傳諸書按通邑洛北山脈地形以正之而唐宋
道及入洛離宮自陝州繡嶺入永甯境而蘭峯而嶠岫
而福昌至東都經由不爽並明之嶠底設官舊地亦確
不可易旣詳論於志復作詩紀焉

寰區九塞雄三嶠千盤躡躡號陝交中原一綫提鞭鞘絕頂俯睨
秦晉郊出入河雒雲羅包馬頭熊耳卑呀摩十里五阪懸崢嶸天
角怒倚地牙聲弁中聲鬱風颭颭西衝關隴東敖鄙大樹踟躕竹
穿殿斷壁倒挂青天梢其底衆澗奔怪蛟破空飛出檀山坵

嶠底
水出

九龍淵入洛二陵禦師誰所教振古設險遵坎爻立義防戩灣厥巢鉤
心偃蹠蟠旗旂盡驅雁戶待芻蕘金門黃櫨互闕虢車不方軌膏
登輶銜枚斫陣驚鳴鷗如峒虎負牢豕哮如穴鼠鬪館熊咆如鹿
踰近魚觸巢如螺含甲麋入罟失勢一蹶刈蒿茅萬夫不足供剪
炮丸泥函谷非桑苞三千餘載同浮泡承平日久無鉦鏡甌脫守
捉聞弓弮人煙簇簇雞膠膠樵歌牧唱綠豨巢曹公開北南道拋
自茲紀載說皆勦曰土石相雜殺我尋脈絡窮巖壑嶮曉壇堦
誰胎胞名二山地形証以史傳鈔一一諧合如笙匏蘭峯崎岫嬉娥
嬌鹿泉昌水聯旌鼇兩京置驛名不消村花山果翠鳥啁至今遊
客攜酒肴剛厥俚號徒喧譏非關言大空嚶嚶險韻澀體聊恢嘲
笑將短杖松枝敲

望錦屏山

萬木緣空起沈沈方吐雲微風吹轉合初日晃難分洞翠懸城出
鐘聲度洛閩無由扶短策一訪故宮文

隋顯仁宮在山下今宜陽署

韓城阻雨

熊耳斜通北桃林直走西城虛川擊石天仄坂穿泥四成盤關險
千軍積甲齊如今孤館客風雨聽晨雞

韓城古宜陽縣治非韓初也

永甯城館示兒世津

韓地新爲客周都尙近郊雲山橫九塞風雨暗三峭老馬猶依棧
驚禽且戢巢曳輪滯尾戒旣濟謹初交

大張渡乃銀川車後覆

曲女登歌

曲女永甯人年十三拒暴自刎死事聞

詔予旌余有傳

騎羊年分髮覆額瓜含蒂兮蘭吹息積篋箴管隨母側誰令適野

遇暴客怒如項王噴目叱樓煩憤如司農執笏罵擊賊躍如鐵杖
法毬赴敵場立如安藏剖心洞胸腋精珠不汚泥璞玉不點蠅羞
斷一臂猶可生頸血一灑濁河澄三川九塞皆紅冰荀灌殺賊十
三齡噫吁噉乎壯哉曲女登

永甯前張烈婦行

烈婦張元尹妻守節撫孤逆僕夜挾刃入室逼之延頸
受刃死事聞

詔予旌置逆極刑余有傳

太原村姬李氏女洛上媵孀汝獨苦塵埋鸞鏡罷脂膏窗聽啼鳥
響機杼天平何忍妾何尤生妾紅顏爲妾警囊珠積玉人罕見誰
知厮養生戈矛天狗狺狺思入月欲剖逆墓無寸鐵常噴燕鳳曲
中羞豈許秦宮花底活嚼齒大呼鬪虓虎戾氣沈沈隔天鼓奮延

雪頭受霜刀刀亦淋漓爭萬古霞衫紅碎罡風急大變奇貞在呼
吸九原速去報良人血痕一縷香猶濕屍衝泉木差快意跪拜
龍章潛拭淚自疑

皇朝風化隆柔德豈足關天地吁嗟此事史書少五十年來節重
表當時保身何其難今日濡毫敢卹卹

後張烈婦行

烈女儒生張檢妻逆備夜逼之受十餘刃死事聞

詔予旌磔逆於市余有傳

黑風搏衣妖蛇藏崑山碎玉叫鳳凰身衝白刃糝紅霜長虹飛出
珊瑚牀浴波不洗憤血香化爲雲錦丹霞裳夜隨羣妃朝玉皇儒
生之女儒生郎詩書正氣留閨房爲君効節扶天綱爲君吐燄增
文章爲君請天誅猖狂所悲不得事姑嫜願君新人奉羹湯太陰

潛處心何傷。

冬日偕同人出永甯城東穿竹林渡洛過金門山上白馬

寺二首

洛北出煙叢洛南入雲族微風青琅玕夾岸遙引續迴川窈窕澄
流影若膏沐岸竅寒逼清刻畫吐牙角霜林黃蕃錦彌望布北陸
北陸齊置縣鹿行落葉驚鴉噪餘穗啄山渠澌澌鳴交織各村曲
在金門山前停車問土風坐寺剔碑躡雖未卽歸耕茲遊願聊足

永甯西南山白馬聳而壯奔騰蓮花頂蹴踏金門障桀驁不可馴
一寺扼其吭仰指舊砦門寒翠落衣桁有如旗鼓開大帥坐武帳
澎池破空飛巨石怒爭向澗穿雙玉環位置羨真匠有宋張虢州
伏險英謀矧偏師從天下虬獠膽駭喪宋劉豫遣偏師正邦雄等
攻長水虢州守張玘令將
陳俊等伏兵白馬船板錦屏三處豫兵至昇平戰壘荒穢逕但樵
前後夾攻大敗之復長水舊志失今補之

唱午飯竹林中。茶筍發僧益便尋。女几勝腰腳老可仗。遊事那得
驚清言。且偕曠送客。太和鐘斜陽散筇杖。寺有鐘

望元河南王擴廓故里在扶溝沈邱間

平章故里問驚疑。骨葬黃沙乏短碑。運去中原空轉戰。天留少主
尙孤危。生逃終抱龍髯痛。死鬪甯令毳幕移。誰是英雄好男子。臨
朝明帝只嗟咨。

過蔡參政子英故宅

西風吹湧洛川波。參政遺居隱薜蘿。大節久聞尊察罕。俘囚誰肯
拜湯和。亦知隆禮新朝數。其奈思從故主何。灑向龍沙皆血淚。千
秋詞客爲悲歌。

陵川熊東川明府自蘭州解餉旋署寄書並惠土物賦謝

二首

起聽乾鵲報簷聲良友書來羣滿城任久十年知吏績投歸萬里

重王程邊儲輸轉才仍借行役詩歌老更成猶憶和公祠下坐西

涼風土話三更甲辰君解西餉歸子適訪署中寓郝文忠公祠

誼結文章廿五春停雲思慕久彌真敢云衣鉢傳方始稍喜參苓

採又新丙午戊申東川分校晉開所得土皆有名為予小門生羌果織皮勞見寄太行嵩室

若遙親黃堂他日還觀政爛醉花前白髮人

香泉寺

開門深竹路山色出牆頭一勺泉通脈方池藻映流石香清見佛

茗味澹澄秋老健當羈旅軍持藉快遊

入福昌寺

夕陽逐山色不覺盡荒原霜意澗收磧樹聲秋在門靜燔松子味

坐搨石幢痕有唐元和十三年尊勝陀羅尼經幢書頗勁秀誰補伽藍記幽尋蹟尙存

永甯竹園二截句

三里五里竹作邨十家九家泉繞門山光水色絕南北雨意風聲無日昏

古木扶疏夾徑通霜前柿葉密交叢斜陽十萬顏蚪明都挂琅玕碧
簾中產柿最多

光武廟在三箱山頂下爲刀鏹川

三箱絕頂廟崢嶸山下曾屯漢帝營峭坂摩旗連地震宜陽積甲與城平風橫柏磴盤鴉陣日落刀環嘯馬聲總以馨香酬德澤嚴陵從祀亦何名後有嚴子陵祠

三鄉鎮爲唐會昌女子題驛壁處偶有棖觸黯然成詩

剝粉殘香那可追蟬聲衰柳日斜時白頭多少行人恨來憶三鄉題壁詩

登永甯大觀亭

孤亭樹杪斷崆峒，郊繡城嵐躍一窗。
霜落龍驤連壘曲，秋清熊耳出雲雙。
勝經蒐討情逾永，老得憑陵氣未降。
海上故人今去久，銜

杯愁倚古松椿。

謂同年需化
丁明府光劍

入寥天。

觀元御經局
碑尙存

寥陽古殿枕河雉，殘碣荒祠修道功。
鳳縵女官偕命婦，熊鬚羽客雜經童。
遙山撲石寒雲濕，怪樹崩崖落照空。
剩欲去尋參政宅，連村蔓草久迷濛。

經局村元蔡子英
故宅地在殿西

三鄉鎮望女几山

女几出三鄉，峰峰送夕陽。
曾聞天寶帝，於此聽霓裳。
欲訪彭娥列，高歌石壁旁。
不知仙窟宅，猶有李蘭香。

彭娥晉宜陽女子，賦至奔
女几山石壁下，叫號石壁

裂娥入壁合崩石擊賊盡死見
通志李蘭香女几女仙見唐詩

異井行

金門張少司馬鼎延作異井記述脫賊事余訪舊井賦

異井行

峭城督井龍渴死曾伏守城張進士賊索十日力劓疲不識鬚眉
竟誰是井兮窮黑深灣漫賊來炬照愁蒙漫誰知竹燼松煤下反
助吞瓊噓雪餐老嫗狂奔伏井口大呼吾兒觸其首賊憐繼出哭
抱頭急難慈稱亦何有嫗令相隨負籬矢僞爲恭敬羣賊喜夜深
盜馬騁如飛瞬息金門渡洛水吁嗟此嫗知何人得非姑媯宓妃
之所使卽是君家捐軀截脰之貞魂望嫗不見見金門青天渺渺
鶴一痕大坎出坎身猶在痛定悲思并未改壯哉一記述淋漓四
十國殤同慷慨少司馬家僕戰死者四十餘人城陰古甃秋風灑旅客來尋菊盈
把天畱勝國好男兒出作

興朝少司馬

闕題

泉女蛾眉欲妬誰驅儂歲歲走天涯挑燈掩袖從他看不是三鄉壁上詩

攜來黃竹女兒箱中有流蘇百寶囊不爲他人撼針線自招明月照流黃

欲住難時去亦難軟紅塵起思漫漫五更不識妝成未馬上西風翠袖寒

男 姪

聲有普孫啓

如泰

裕幹

沃 豐 宇

校宇

紫峴山人詩集卷二十五

湘潭張九鉞度西著

姪孫家枋重刊

倦游集

乾隆辛亥工子

先生遊河內七年有歸志固始令同年謝暉于聘主夢城書院夢城接壤漢南固出洛傍沁水徐秉文作夢采三花圖辛亥耕于卒歸漢南著倦遊集

出洛

長揖二千石高歌賓從間橫風吹大雪昨夜出峭關留洛終非策
遊梁未擬還信陵車騎在咫尺卽夷山劉淑菴觀察自大梁以書見招

雪齋別少室二首

不采三花去來辭少室雲五年知己感今日故人分忽掃中峰雪
高懸半壁曛停阜西毫路隔水鶴聲聞

未必返衡嶽知余飄泊蹤也須隨馬革何以臥虬松鐵索天門磴

蓮花玉女鐘夢魂飛不去長繞太陽峯

諸生餞恩寺錄別

熟步禪關若不知驅歌乍唱淚雙垂文章正脈關師友天地中原
足別離夜雨篝燈灺日古城荒草踏歌時南轅北轍猶無定回
首雲山豈我思

劉萃園兄弟邀登吹臺

客裏登臨不厭勞茲臺古意足遊遨天將貶謫詩人合尉是風流
地主豪春入蓬池初茁柳雪融陸海漸生毛龍門雅會應重續題
壁參差盡紫毫

晤粵客知興甯陳生有禧以選拔貢成均喜賦卽寄

尋余風雨亂山深別子蛟龍永夜吟癸卯余客永安生重齒來訪是秋相別於珠海天海
迷離連歲裏文章派別一生心由來聞見鴻都富況有公卿講座

臨青紫少年如拾芥致身當重比南金

自題夢采三花圖

圖爲徐生
秉文作

有山休問金鷲藥有溪休覓菖蒲茸人生百年一小蘧廬耳胡爲
求拜西王母東王公我所思兮三花樹震且飄飄任來去偶然示
現無根株太白詩中恍相遇前年兩臥嵩山隅歸來欲作夢采三
花園成臯徐生執筆下不得三日凝神情脈脈此花飛去二千年
縱使黃金鑿選工且妍粉本何自嗟茫然今晨誰招入空濛攜我
步入積翠之中峯戒壇面西道場北雲煙醜靜山龍窠或是偉丈
夫移來不然魏時僧送至憑軒恹恹寫精靈若有空王暗傳示倚
我逍遙樓坐我金絲石飲我白龍泉蔭我將軍柏柏翠花香兩合
緣青鞋白袷偏憐惜雲魂月魄一層層六出左旋瑤華滌拈來一
笑四大空不是旃檀與蒼荀卽如畫雙柏夭矯亦絕倫挈天蟠地

縮尺幅長風欲起蒼龍鱗君不見漢時衛霍立殊勛名垂鐘鼎圖
麒麟一朝永辭帝闕去祁連天山大塚空嶙峋何如茲樹同人丹
青裏進以禪喜娛千春對此柏嗅此花浮沉身世何足嗟微塵大
千作游戲故人遙望天之涯倘問相思能寄否圖今在笥花在手

題安陸余璟度維西見聞記

余君磊落軀偉脩幕府名起西南陬萬言滔滔中機謀大帥迎致
那得休東浮彭蠡涉江漢片言不合輒掉頭君兄益州二千石擁
傳班春聲赫赫吾獨崢嶸一布衣險阻指揮熟邊用以茲磨盾戎
馬間叱咤壓倒羣兒百藏西萬里通門庭雪山終古塞沉冥澗筒
笮江革囊渡碣樓似屋穿天青前朝狼嗥犬噬地羈縻今更資溘
屏君騎巴馬錦襜何鸞弓躍劍何豪鷹麼些古宗尋戰壘土官還
有木公無藏桃花山新霽墨椀詩囊提小吏椎牛聽播燭燐

夷人以觸牒爲鼙鼓奇象看行璫尉市摩崖長嘯火雲開松豹館
鼓之紅黃喇嘛皆然馬搜羅細狀鄴中尉與余握手大梁城
熊驚撲地荒唐快寫段諾皋
狂歌擊鉢杯屢傾燈昏雪暗一朗誦下士都變蒼蠅聲文章有用
方報國地勢夷情在周歷出塞誰分壯士功臣時也借書生力羨
君紛綸富經籍羨君碑兀騰奇魄卽今幸舍不欲居滅刺懷中甘
旅食吾曹依人慎所擇男兒有腰折不得豈無當代信陵君車騎
親迎尊上客舉頭大笑東方白

汜水徐生秉文以唐顯慶紀功碑見贈索余詩酬以長歌
徐生家居廣武山上有顯慶紀功碑迢迢屹立矗霄漢黑雲如蓋
三台垂衝颯怒掃太行入黃河呼洶交撼之敖倉索亭久蕩滌此
碑不動長崔巍虬髯真人揮金戈鋒無前對平么麼武牢踞險全
勢得當車螯磻將如何鵲渚萬馬騰空走爭驅一犢入牛口河東

尚有娘子軍，嗤彼陰謀婁。祭酒長刀斫，陣蒼鷹飛鄂。公胡公血灑，
衣漳南小兒駭。仆地一組紮之楊，武威英雄靈蹟山川有一千餘。
載誰司守，卽今祠柏鬱輪囷。夜夜虬枝捲旗吼，聞其頂五龍時時。
下浴旋門波，又聞早燠年。以泉灌龍驟滂沱，我過山下常躑躅。不
得摩挲一快讀，徐生手搨來相貽。虛堂六月涼生粟，或云高宗書
或云虞世南。雄文勁筆互擊擗，巖巖瑣細花鏘鑠。唐兩巨碑天下
無，嵩陽觀外吾曾慕。鄙哉貢諛靈感頌，迺出權佞李奇奴。豈如此
碑戰功紀，造厥區夏彰宏謨。酬君放歌傾一壺，庭柯槭槭驚栖鳥。

述懷二首

老莊事虛無，其流爲申韓。旣廢先王言，復令世宙殘。取彼陰鷲氣，
周納窮研鑽。士不工刑名，何由勁羽翰。恐傷天地和，敢誇得平反。
誰知失避忌，終令遭射彈。浮名爲累深，歷險自振難。一笑付煙雲。

俯仰何浩寬

偶爲洛中遊，便作洛中客。既令山水滋，稍理詩書業。化工轉勞生，焉得怨行役。天地憐吾身，始賜以旅食。精神頓飛揚，舊習入骨髓。但傷故人遙，不得共賞析。

寄吳橡邨海上二首

聞君不樂武昌居，拂袖仍尋海上廬。才子持身知應爾，諸侯好客近何如。飽餐荔液增新什，靜展苔紗著異書。我到梁園尋舊館，餘芬猶自襲衣裾。

于客大梁勸察東齋頌
幽雅即吳子舊書室

三花曾寄洛州西，消息無憑夢亦迷。有客來隨彭蠡雁，知予又聽汝南雞。但教文字神相逐，莫嘆音書地不齊。天海雲龍相合易，何時同瀉碧畱翠。

過方榮川曹門寓

那得英雄可報恩，攜家來傍舊夷門。
軟裘快馬千金散，古劍殘書一室存。
貨畚也曾逢少室，囊琴尙欲徧中原。
拔釵貰酒同豪飲，捲幔徐看月上軒。

榮川壁上見申二鐵蟾摹漢隸六幅愴然有作

故人在壁僅餘名，殘墨飛騰熱淚橫。
千古誰能當慷慨，一官終未罄生平。
天邊把臂關風雨，海內論心失弟兄。
雷夏峯吳惠叔相繼下世我亦昌州花下別，白頭流轉客東京。
鐵蟾辛卯仲春飲余家昌州海棠花下別後不相聞者十二年

汴城風箏會曲十首

汴城三月朔日於曹門北廣場鬪風箏會，士女如雲笙歌鼎沸，車馬喧闐五日而罷。卽東京清明上河故事也。季檀波方榮川約余同遊，勸作詩紀之。迺做樂府體作風箏會曲中雜用東京事實，卽作懷古觀可耳。

黃河桃汛正安流宿麥郊原望裏浮齊趁曹門春景麗風箏會裏
恣遨遊

巧製輕勻彩畫饒收燈節後貫州橋孟婆風勁游絲少便好飛騰
上九霄

彩鸞青鶴競高竦百蝶如輪不礙天更把周宮新樣變瀛洲布滿
大神仙

美人紅袖半空飛珠珞霓裳白羽衣髣髴靈霄真籙下玉華閣裏
出安妃

鸞翎鳳翼映華暎五色雲籠鐵槍痕翻恨金明池久涸探春不到
玉津園

桃花夾道柳初綿羈展風流稱少年遮莫上河圖裏見天橋爭拾
內家鈿

御苑虹橋想像間，黃沙堆滿轉龍灣。
天畱一片嬉春地，繡轂珠簾不放閑。

衣香履跡不分明，寶馬銀鞍逐隊行。
人在周王山上望，青天如繡繪東京。

小肆青帘列酒鑪，銀瓶指點競來酤。
蓮花簞鴨金絲肚，可有樊樓舊饌無。

新聲爭唱鬪蛾兒，席地壺觴畏日移。
乳酪麥餠拋擲盡，更無人上信陵祠。

三亭岡

應侯奇策多，大梁首豪傑。口辯天下聞，君相昧未識。
牛酒亦何關，摺齒而折脇。觀其醉溺甘，脫死於廁簣。猛虎檻奔中，豈忘擇肉食。
何物謁君賢，能受安平匿。天將興嬴氏，曲庇來上客。一去三亭岡。

諸侯不安席，遠交近攻，謀拱手資敵國。

汴堤柳枝詞四首

杞縣城外官道，卽隋汴堤也。周玉圃司馬植柳樹三十里，彌望蔥蒨，行人便之。余爲作汴堤柳枝詞。

殿脚三千去，不歸龍舟鳳舸。望依稀，使君只種官衢柳。蔽日參天，已十圍。

一路蟬聲別汴州，酒旗飄蕩畫橋頭。長條披拂青驄去，只縮春風不縮愁。

東婁城畔碧毵毵，草店荆籬映客酣。誰著鶯聲三兩啣，斷腸飛夢過江南。

汴水枯，渠雨後垂。飛花亂點碧琉璃，行人若唱楊枝曲，莫忘柔條初種時。

睢州題店壁

椎琴市上自來羞滅刺懷中每慎投豈有不知王景略幾曾求識
韓荊州蹇驢倚郭飢空齧腐鼠當門嚇未休醉尉狂呵君莫笑如
何李廣欠封侯

廣野君墓下作

女子洗足豎儒罵酈生長揖立階下公不欲誅無道秦奈何踞坐
見長者一言感主廣野封其氣久已無山東狂生非狂天賜漢赦
倉據粟真奇功高陽鄉訪監門里荒塚殘蒿奔野豕男兒烹醢亦
何常兄弟徹侯願足矣

酈商墓相距不遠

澄心堂紙三十韻

澄心堂紙隨園驗社金陵詠古題蔡莊衫爲余述寓齋
無事偶拈作此恨不就莊衫正之

建業傳遺製詞林列古歡蜀箋慚脆朽剡楮笑輕單雲葉深春杵

風簾候焙乾割脂堅且滑傲繭密而寬雜探宋人咏心堂紙語內苑新樞省

後主建澄心堂於內苑以文士掌之中旨由此出不別用樞省深宮女史官黃保儀掌史館書記編摩羅用

府收掌襲綃紈國主勤供御娥皇快染翰娥皇周后小字展函紅錦洞後主

宮中軒檻皆楠花號紅錦洞天鋪几白琅玕褫褫標爲引烏絲畫作欄由來珍雪

佩豈必鬪霞丹閣帖憑摹搨淳化閣帖皆用澄心堂紙鈎搨霓裳待譜完拾成金

葉戲霓裳新譜及金葉格戲皆周后所製曲寫玉笙寒伴賞宜龍尾荆釐現名研香有月

團徐鉉進御墨名經書喬媛贈後主寫心字扇捧慶奴看慶奴黃羅扇後主所賜鍾

隱銀鈎署鍾隱鳳隱皆後主別署文房彩篆蟠澄心堂紙尾皆有風流誇獨

擅日月想無刊一自家山破甯能口舌安南唐書語阜羅廚寂寞簾錦

匣闌珊只合僉降表何當歷去鞍宮娥愁悵咽畫手淚洗瀾周文矩事

休說澄心物都成惹恨端流傳瑩鵝飄散惜迴鸞撥鏡虛畱法

後主精二
王操鑑法
言集卷言

敲冰競索觀敲冰梅聖俞詩中語歐公常贈寄梅老為盤桓尺寸

皆珍玩零星孰詆譎劉貢父論澄顯德

藏先盡宣和本又殘同教焦土燼莫飽蠹魚餐劫數歸圖籍雲煙

嘆淼漫誰題籌筆句三絕在騷壇石曼卿以籌筆驛詩書澄心堂紙歐公嘆為三絕

擬古行路難七首

五花連錢之驄百寶珊瑚之鞭黃金鏤銜之鞍繡羅盤鳳之鞵

君蹀躞向何處出門四望心茫然將登太行水漲天將踏長河

斷船安能虞坂鹽車駕騏驎獨粟不飽鳴可憐行路難多險阻黃

鵠塌翅雀戢羽獨伏寒窗聽秋雨

蓬萊方壺高高異絳遠上有宮闕何璘嫵琪花瑤草交翳鬱祥麟

威鳳游其間中有不老之真仙被服冠帔彩且鮮高吸沆瀣低丹

泉我欲往謁之大難白雲迢迢不可以攀援

雲楣桂戶沈檀閣珠簾繡柱芙蓉幕楚宮有女字莫愁香靨妍眉
氣蘭蕙韶顏未損寵愛衰衆女謠詠疑生猜鸞衾象篋一朝棄含
羞步出章華臺薦蘿誰能施松柏蒲葦那堪紉磐石清晨攬鏡罷
作妝悔不學當窗明月流黃織

君不見大鵬圖南去以息又不見迅鶻不中恥再擊荆山之璧終
見珍濁水之珠久能識蛟龍尖勢蝦蛆遊蘭茝掩粉蕭艾積不見
唐李白豪氣傾王侯一朝辭出青綺門五花駿馬千金裘徒然調
笑二千石朝遊齊魯暮越州

言不必倒篋而傾箱事不必拄腹而充腸利錐處囊露穎末大阿
韜匣生鋒銳橫潦之波等呂梁康衢之險逾太行凡材平世何所
用跋扈飛揚咎狂縱驅之只合走江湖手抱殘書日吟誦

君不見洛陽城東大塚連纍纍王侯將相骨鬼亦不自知朝眠麤

屬暮狐狸耕人鏟削磨穹碑有時遭發掘玉魚金碗散入東都達
微塵殘劫休回首勢灼豪熏那能久千乘萬騎上北邙不若一坏
長酌杜陵叟

詞章不艸三殿書仕宦不作八州督便當西溪持竿釣鯉魴南山
荷鉏種麥粟胡爲驅薄笨車駕黃犢終年勞勞走川陸行路難請
終此曲長歎息歸去來看兒讀書看女織勞生雖未有甯居且遠
塵囂樂家室

足疾新愈劉蛭園邀登吹臺適吳檢堂自越中至二首

漫漫積水阻高臺此日秋空大野開猛虎誰妨豪士步遙鴻恰引
故人來殘荷雜艸香縈檻新蟹堆盤色入杯便作飛揚出天地不
愁蹀躞困塵埃

交海道迢荷記存蹇驢短袷到夷門登臨慷慨無他地今古勾留

又此樽仍似吟懷隨嶺嶠儘收灑氣滿中原老夫新得黃藤杖還
擬天壇共一捫

登大伾山作歌酬黃州周生

空城月黑身焉投長歌直上秋聲樓無書可讀酒可飲五更騎馬
辭滑州清晨山色黏空起望望行行大伾是黎陽樹翠鬱橫城秀
石古霾蒸作水黃州周生膽氣豪詩篇在手劍在弢偕我藝緣上
絕巘亂雲踏碎芒鞋高仰天長嘯首重搔舊河徑欲窮館陶宿胥
口醜屯氏決長壽津流久銷歇千乘橫隴漸南趨豈真地勢隆庫
別青陵岡築是何人亘古北流長斷絕茫茫禹績按圖尋寥落空
存老儒說徘徊風湧漳河來太行返照搖三臺不見山中盧生大
賦才孤墳秋雨摧蒿萊四溟山人何在哉吾曹得不傾樽壘

湯生元珪遊大梁訪余寓齋

別君忽忘在何鄉握手翻令意杳茫曾是荷卿同客越何妨枚叔
又遊梁依人遠道惟忠信琢句中年漸老蒼翳燭夷門三尺雪看
余縱酒態猶狂

題劉蜨園乘槎圖

心不可膠均堂舟識不可限涔蹄水九州之外大九州當學飛仙
高居瑤臺八千丈鯤鵬直搏扶搖九萬里君從何處騎此槎得非
河上公贈汝一枝青蓮花豈是漢使者尋源徑到天孫家東不盡
扶桑南不盡天池踏金鼇背臥蒼龍皮沐日浴月挈百寶獨來獨
往無前期洗出寢經饋史之積氣鏤爲吐虹唾玉之新詞歸來坐
踞深叢罷木華賦外酣淋漓君不見高齋走壁鯨濤聲素練恂恂
無丹青我亦生平汗漫遊未已爲君展圖擲筆長風起

送吳簡堂之濟甯

春冰初泮

柳微拖我下清淮君渡河梁苑已傳詞客賦吹

酒人歌

劉蛩世講約登吹老當別地雄心在貧轉勞塵見面多

此去任城

酒樓舊憐才賀老竟如何

謁遊梁祠二十韻

祠爲張月
後太守建

適晉臨河返欄車尙有祠流風頑懦起今古景行宜亞聖遊梁日

衰周戰國時一言明義利萬代繫安危王政農桑大中原日月垂

特書重綱目吾道在賓師二相荒唐祀宋東京有二相廟祀聖門

球燕翼助文昌爵祿資卓哉賢太守創建有深思恍見恭迎聘如

謀錄中逢盛禮儀廢巖瞻氣象疊聽陳辭名世雖虛出天民此覺知儒

官長置守祠右有過客必追維修削簷牙盡飄搖殿角欹堦傾爭

牧豕樹怪或聞鴟修葺工非鉅倡言望則卑七篇開讀易衆力共

擎誰豈必圖歆享何當褻舊規好龍皆自炫首鼠那須疑金碧浮

屠宇蛟螭道院碑，驅車來謁別。恹恹立嗟咨。

送湯生之河北

風雲橫河凍未澌，短衣羸馬欲何之。卽妨久客艱籌策，那得殘年惜別離。身入世塵豪且減，詩居幕府體休卑。如今大帥無皇甫，莫厭并州食雁兒。

吳檢堂劉楚園追送汴渠舟中

愁臺無那艸萋萋，送我津頭手重攜。不記夜來同被酒，夢回錯聽汝南雞。

汴溝春水縠紋生，月落紅橋放棹行。自作詩人離別地，幾行新柳漸多情。

潁水舟中

行行不知遙，但愛潁尾清。冰銷苔初漾，岸暖艸欲生。春入幾何時。

天水浮空明榜歌一以發漸作江南聲會尋少室源淺渚滋蘭英
看花登箕山褰裳度陽城素緇化已久塵慮洗未成吾耳非巢由
奚必耽高名

入淮水

昨下瀆宕渠楊柳初作芽今朝溯淮流春洲散桃花驚心變時序
觸目感物華陟嶽復穿瀆中原同浮家逐世無他營書劍甘生涯
亂帆轉雲樹歷歷分晴霞倉庚弄清陰鳧鷖戲晴沙晤愜詎能違
經途況非遐

望雩婁山

又名大別山
在雩婁野

幾日行淮甸遙山見一痕春雲流衆水秀木界中原田灌雩婁舊
名齊大別尊逶迤耽野趣百丈信牽援

抵固始縣飲同年謝畊于明府署二首

峰削青螺轉城橫玉几孤雲山綿九塞風壤雜三吳被地皆蘭蕙
迎門半稻蒲水鄉繁旅食差足慰窮途
故人爲吏久而我此傳經夙好因文字衰年乞典型碑荒孫叔昌
水亂詔虞亭扶病還相約秋高訪遠坰

題吳檢堂出山圖卽送其還越中并寄呈水雲先生

梅花烘天雪壓關插江峭壁流爛熳珊瑚裝鞭金纒鞍綺裘貂帽
穿其間有子白晳文采嫻丹山彩鳳隨飛翾問君將何之迢迢向
交州交州城南久淹畱我亦把手越華樓曾挂雲帆破海島率親
特采祖洲艸狂歌喝月黑水洋萬里鯨鼈盡驚倒老人歸臥鏡湖
月君時盤進白華潔湘湖蕝熟鱮魚肥記得江頭挂帆別去年不
見仍壯夫信陵祠前逢酒塢我茲圖胡爲乎使君羅冠帶弓弧
去年聞作長安客掉頭不入五侯宅夢裏西南一片山又欲輕裝

走却隳老人詩畫盈遐風。仍浩氣漢未休。煙雲供養壽九十。扶
孫日上樵風舟。知君欲歸不待住。揚鞭徑踏河冰去。東尋太白沽
酒樓。樓前春水越州路。蘭亭三月桃滿枝。毋令老人流觴之會待
君遲。

謝畊于出其新得晉先太傅白描像卷有東坡紫陽兩先
生書贊敬題其後二十六韻

花暑暖春晴。淮流映郭清。焚香披小幘。肅揖對名卿。太傅時多難。
澄懷裕定傾。君臣和以濟。德守養而貞。暫作東山臥。徐因幕職行。
安危關典午。出處係蒼生。居謙嚴收詔。權姦逆杜萌。廟堂潛布策。
絲竹藉娛情。卓立南朝望。飛揚北府兵。旌旗雄國勢。風鶴感天聲。
克敵謀方著。譏言測亦輕。古今思寤寐。恟怛會靈明。遺像誰描寫。
規模不縮贏。王公真有度。妙手若相迎。取幘從容肖。圍棋談笑盈。

三毫皆識具一點卽丹誠山澤通儀氣白星照斗衡坡仙題磊落
朱子贊恢宏尺素逾華袞隴重紫瓊淵淵畱雅量耿耿貫元精
趙璧還心愜曹圖展淚縈千年依子姓一脈衍簪纓形韻鈎摹得
風流鏤刻呈辨于將摹丁書珍罔替魏笏弄爲榮薇洞頻夢訪甘
棠到處膺藝林增逸事豈止耀鄉閭

先賢公祖子祠

楚國三先賢不爲風氣囿

聖門弟子家語以公祖子句茲任子不齊爲楚人鄭康成以公孫子龍爲楚人

蓋以唐宋追封皆楚地徧人舉白異同之公孫子龍另是一人負笈洙泗濱函丈親授受先王大
經法正彼狃獠陋能從廟庭祀豈獨山川壽典墳與索邱讀書通
釘飯何況騷賦人詞章出雕鏤懿哉期思城祠宇唐宋舊墟墓付
荆榛湫隘雜塵垢聖學一脈延先河祭非謬流風被淮汝人文競
輻輳邑有謝大夫肅肅新崇構明于明府新修當耐北學儒薦紳勤俎豆

豪傑再挺生鸞鳳看羽筵

孫叔敖祠

春秋楚多材孫叔爲巨擘少可若敖難隱居所以養德楚女激應邱
薦相光霸業弔感鹿衣翁恭儉益顯赫棧車與牝馬清望揚四國
勛名非戰伐鎮靜富謨續我拜期思祠緬懷芍陂跡水利興安
尸祝先鴻卻花實向東西天以垂遺澤楚鬼越襪中保家有良策
貽謀乞寢邱世祿綿罔斃漢代李司空于焉踵栖息

固始謁孫忠節公祠十八韻

藩孽窺神器君王作色荒潛援羣賊助况據上游強黨盡朱溫詐

朝無汲黯剛誰能除蔓艸差不受衆薰宸濠畏布政使張鼎鑄以

早離江副使中州傑洪都大節彰赤心扶日月浩氣凜冰霜穴逼

界也偏嬰虎宮妖早兆狼屨陳明祖訓吳制狡童狂刀鋸威宵懾河山

氣更張魂騎朱鳥返血灑紫微香
國步艱難集天心眷佑良二忠
悲授命一帥奪勤王吳濤終遭戮
劉安收啓鄴龍沙洗兵甲蘇廡
徧爰旂江省隆禋祀鄉閭重廟堂
天撐城一面風吼柏雙行過客
冠裾拜遺孫俎豆將科名能報國
終古在文章

柏壽堂歌壽光州汪亦山使君七十

弋陽西堂壽讌開堂前兩柏何壯哉
一柏蠶菌柯森披彭亨腹豁
包蘇皮淩霄蜿蜒雙施之丹霞簇
藥穿頂垂宛如維摩坐小室繡
鬢天女持花隨一柏連理忽分走
高不三仞蔭二畝盤地方爲怒
攫躡挈天或作驚蛟吼又如老佛
與癡仙譚禪說道深山友使君
節操如兩柏鐵骨銅柯勁標格黃
金暮夜誰敢污焚香告帝明心
跡座右有焚香告天圖飲冰茹蘗卅餘年
鑄出三華好顏色放衙執卷蕭且
閒婆娑兩柏之中間奇姿偉貌相
掩映秀峯窠石俱古歡堂上花

奴緩拋鼓銜芝元鶴盤旋舞獻詩吹笛有門生酌酒稱觴皆老友
柏亦酣嬉作歡容珠璣竿瑟鳴青風偃佺前拜廣成從各競長耳
青方曠名堂之義將毋同潁川八十漢太守與郡依然河左右他
時圖柏到嵩山更有三大將軍作朋壽

輓同年謝固始畊于二首

迎我春前尺素書尋君舟下浚儀渠騏驎空櫪悲凡馬魴鱖過河
泣去魚慷慨何充應不減飄零杜甫欲焉如夷門又作人琴痛卅
載詞壇噩夢餘李鼎使亦山同年聞亦於月歿於大梁官署

白髮垂垂獨愴神杜鵑風雨咽殘春芳蘭海內誰同調宿艸江南

半故人評深陽周奏磐元和米文治太倉李卓人上海家少華皆先後下世孤立無援名益重十年

方調吏真貪還看詰嗣遺文檢地下雄心爲一伸

汝南雜曲示院中諸生

汝南雞喚明星爛曉籌初報漏籤散漢家三十六離宮繡箔珠簾
捲將半絳幘雞人千衛士汝南四邑首固始年年長鳴雞入貢朱
雀門前唱曲子我來此地釋舊箠買雞真欲雄其羣高冠大翼勁
蒼距反翹秀尾翬采翎徐行小隊皆壯氣如坐武帳驅千軍一聲
脂膊何處起月華穿漢瑤天洗巨百餘里仰空聞瀟風捲湧三河
水再鳴鬱律破地驚山谷蹴踏寒泉生魚龍雉兔膽盡破豈獨鷓
魅潛其形三號四號力排異峙架不驚爲誰報山雲散漫宿霧收
浴海月輪燒照耀寢邱一十萬人家高呼低和交騰趨膠膠角角
那足論大中鏡歌小楚調少年跋扈長安陌亦欲一鳴天下白如
今散佚似此雞縱有迷魂招不得詎君才調雄嗟峨上清曉日將
鳴珂此聲聞之殊不惡相與起舞心婆娑爲栖休唱徐陵曲何況
迴身碧玉歌

淑菴觀察隨吉侍郎鞫獄光州以事見迎公廩快聚十日
賦此

誰云溝水各東西，惜別追歡事不齊。已分相思燕塞雁，何期同聽
汝南雞。論文小廨安鉛槧，把酒和門散鼓鼙。自有嵩雲奇絕句，黃
城那用覓新題。

蓼城重九吳生丙文朱生嗣頊祝生孝顯孝溶載酒北郊
僧樓登高首唱二首

客思渺無際，豪遊且出城。天銷風雨妒，地熱友朋情。幽色憐花澹，
狂言對酒清。汝南名士窟，不悔作茲行。時余亦將南歸

病起惜腰腳，迎人秋色多。純青橫九塞，浩白下三河。代馬嘶羣切，
南鴻促去何。兒曹記萸節，回首此林阿。時兒世淮世津與食

將發蓼城之大梁逢金陵客知蔡芷衫消息卻寄二首

寒雲隨落葉，渺渺上征衣。淮水獨東下，離鴻猶北飛。逢人得消息，入夢見依稀。尺素聊憑寄，梁園亦倦歸。
久無矜結納，亦未戀蕭閒。獨有故人意，長懸天地間。將浮大江棹，一訪冶城山。見子陵蒼色，知余鱣頰顏。

金剛崖

七年客中原，所歷周邊徼。龍爭虎鬪地，得喪窺險要。伏牛蟠崆峒，峭函截騰越。紀載考摺詳，幸不辱憑眺。今行豫東南，迺見金剛崖。攢天巨三關，大翻凌風排。楚吳混一氣，不辨煙與霾。下導眾川流，湯湯赴河淮。大勢端倪窮，秀嵐空濛得。歸途遵踵趾，峰巒訇然拆。中湧蓮花臺，外包兜羅色。怪變儼忽生，光彩蕩胸臆。盤擎二百里，村聚數千家。中似古桃源，水泉富桑麻。居民至老死，足不履闔閭。戰壘莽交錯，壁立無餘罅。一夫尙當關，萬騎徒咨嗟。魏晉蹂戈鋌，

宋金置州砦皆懸崖險爲阻甌脫誠可虞
丸泥亦云賴昔年豺狼嗥烽火
擾江界與天堂塞相逼天兵斬青冥
毒霧化祥靄寄語邦大夫厝火無忘
戒

度界嶺遙寄淑菴觀察四首

弋陽城外已銷魂車騎還停隱士門
底事西風不相惜吹人一夜別中原

昨夜相思走大河分明洄口醉笙歌
故人有夢如尋我不識白雲何處多

但得歸期那自由便移襪被下黃州
寸心相與聚何處少室雲霞

天盡頭

觀察常語余夢猶在嵩洛間

九塞連天落葉稀嶺頭躑躅對斜暉
清淮東下人南返惟有孤鳴舊路飛

信陽道中作時余遂返漢南驅車過此慨然有感

斯文天未喪何李起中州風雅至今在江河日夜流誰歎輕薄子
大樹撼蚍蜉此日身名裂森森大復秋

虎頭關

河塵海霧鬢全斑豪客威遲一劍還報與故園小兒女今朝纔下
虎頭關

畢秋帆尚書節署爲蘇文忠公生日修祀歌

大峨仙人來從誰或云玉皇香案吏或云五戒尊耆師或云鄒陽
再世其事情悅離奇惟有手提一代斯文元氣出獨與日星河嶽
光爭垂君王終忍棄世人皆欲殺天因萬古生茲才胡爲命宮置
之於磨蝎桄榔林不終廬楚頌亭不得居鞭撻晉鳳渺渺去誰其
能問生之初七百年來一知也惟我靈岩山人老尚書尚書同堂

奎文府今代詞壇作宗主後生應記前身精誠交通洽肺腑三
恩知遇有過之事業文章實並武仲止心圃遺像得妙筆通神老
蓮客每遇生辰展玉叉設祀豈徒誇笠屐先生天下皆靈遊何況
黃州畱勝蹟武昌節署搥鼉鼓霓裳錦袖踰躑舞黃鶴城頭凍乍
開梅花點榭霏紅雨進之以頭綱八餅之茶輝之以金蓮雙炬之
光真一酒酌其前玉糝羹列其傍率其賓客奉瓣香弟子從者秦
與黃仰見仙風動衣袂先生翩然彷彿騎鸞下雲海茫茫呼吸間
風流意氣相傾瀉尙書敬爲先生歌先生不飲將若何掀髯握手
應大笑圖中微覺雙顏酡醉休賦定風波醒不待春夢婆影泡電
露一瞬耳雪泥鴻爪皆前過但願年年如此生辰如此會快哉三
萬六千以後場何多安用鶴南飛曲思赤壁請聽江頭今夜門生
笛

男 姪 如 泰 沃
聲 有 普 孫 啓 豐
裕 幹 光 宇 校 宇